

BiH tri medalje iz oblasti pronalazaka

Na svečanoj dodjeli nagrada u okviru 31. međunarodne izložbe pronalazaka, novih tehnologija i industrijskog dizajna, održane u periodu od 23. do 27. maja u Beogradu, Bosna i Hercegovina je u konkurenciji od 109 inovacija i brojnih izlagača iz Ruske Federacije, Tajvana, Ukrajine, Hrvatske, Egipta, Irana, Makedonije, Srbije, fakulteta, instituta i škola, određenog broja privrednika i samostalnih izlagača, osvojila tri medalje iz oblasti pronalazaka: *Zlatna* je pripala Vladimiru Močeviću iz Sarajeva za inovaciju *Mini garaža*, *Bronzana medalja* pripala je Zdravku Bosniću iz Banje Luke za *Turbinu za spore vodotokove*, te Josipu Gujiću iz Kaknja za *Mehanizam za čišćenje dimnjaka*.

Specijalne diplome dobili su Drago Kontić (Gradiška) za *Grijač vjetrobrana*; Alma Sadić (Srebrenik) za *Magnetni pojas*; Borko Babalj (Trebinje) za *Ljestvastu vješalicu za odjeću*; Ejub Karadžić (Prijeđor) za *Sobni prečistač vazduha*. Zahvalnice za učešće dobili su *Asocijacija inovatora BiH* i Renabella Đurić. **B**



Priznanja u jakoj konkurenciji